

Usahawan empower ECER Raub dekati kehidupan anak asnaf

Berita Harian (Mawani) 9/4/22 (Sabtu) m/s: 19

Raub: Majlis Pembangunan Wilayah Ekonomi Pantai Timur (ECERDC) dengan kerjasama UMP Advanced Education menganjurkan program tanggungjawab sosial korporat (CSR) di sini, baru-baru ini.

Penganjuran itu melalui Program Latihan Kemahiran dan Keusahawanan empower Wilayah Ekonomi Pantai Timur (ECER) Raub di Rumah Kanak-Kanak Tengku Ampuan Afzan (RuKTAA).

Ketua Jabatan Pembangunan Komuniti UMP Advanced Saharudin Ramli, berkata misi program itu dianjurkan untuk menerapkan nilai murni.

Bellau berkata, selain itu, ia sebagai keprihatinan kepada penghuni rumah kanak-kanak yang kurang bernasib baik sempena kedatangan bulan Ramadan.

"Selain memfokus dan bermatlamat menjadikan peserta empower ECER sebagai usahawan berjaya, program seumpama ini

dapat menerapkan nilai kerohanian peserta yang membawa kepada perkembangan personaliti yang seimbang.

"Pada masa sama, peserta turut dapat mengaplikasikan kemahiran memasak mereka apabila peserta bergotong royong menyediakan juadah kepada 28 penghuni rumah kanak-kanak di sini," katanya.

Pada program itu, RuKTAA menerima kunjungan 15 peserta yang terdiri dari Kursus Masakan Komersial, Bakeri Pastrri dan Artisan, OEM Jahitan Pukul, Fertigasi Sayuran dan juga kursus Baik Pulih Penyaman Udara Mesin Basuh dan Peti Sejuk.

Bagi mengimarahkan bulan Ramadan tahun ini, ia turut diselitkan juga slot ceramah agama bertajuk 'Transformasi Diri: Periapan Batin di Ambang Ramadan' yang disampaikan oleh imam Masjid Sultan Abu Bakar, Raub, Mohd Hairul Fazli Zainudin.



Peserta dan penghuni Rumah Kanak-Kanak Tengku Ampuan Afzan (RuKTAA), Raub bergambar bersama-sama.



Mohd Hairul Fazli Zainudin menyampaikan ceramah kepada peserta dan penghuni Rumah Kanak-Kanak Tengku Ampuan Afzan (RuKTAA), Raub. (Foto UMP Advanced)